

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Nos a drenta luna di mei. E luna di homenahe na tur mama. Pero tambe e luna di EFO i di examen. Eksito na tur esnan ku ta bai pasa nan EFO. Mayornan korda no pone muchu preshon riba e muchanan. Duna nan amor i trankilidat e dianan aki. Laga nan kome bon i drumi na tempu. Bisa nan ku bo nan mester traha, ora kaba kontrolá tur kontesta wak si nan ta bon. Kontrol ta masha importante, paso nos tur por hasi eror. Hopi biaha e mayornan ta mas preokupá kue muchanan i nan ta pone basta stress riba nan.

Dia 6 eksamen ta kuminsá na nos skolnan avansá. Eksito na tur kandidato ku ta pasa eksamen. Bai ku konfiansa, pero korda kontrolá na final.

Asina nos kuminsá ku eksamen, skol ta serka di sera. Asina lihé un aña a bula pasa.

Un fin di siman relahá pa bo, bai trankil. Ban pa un otro siman yená ku bendishon pa bo i bo famia.

Riba roster

Berg Carmel College a organisá un eksitoso kaminata di lus den siman santu. Tantu mayornan, muchanan i famianan i konosirnan a djoin e famia di skol. Di e manera aki nos skolnan ta traha riba e parti spiritual. Laga e muchanan siña ku ta importante pa nos dediká tempu na orashon huntu. Paso kaminda 1 of mas resa, ei Spiritu Santu ta presentá.

Riba e potretnan por tira un bista di e ambiente di pas ku tabata reina.



Not'é riba bòrchi

RK schoolbestuur ta orguyoso di sra. Esclodina ku a haña su kondekorashon real. Riba e potret nos ta mira e grupo di hóbennan di skol ku ta rondoná e kondekorado. Masha bunita. Pabien na sra. Esclodina ku su título di lid van oranje Nassau.



Miembro di hunta di supervishon di RK, sr. Roland Colastica, tambe a risibí su kondekorashon real, Ridder in de orde van oranje Nassau. Masha pabien na tur kondekorado, entre nan diferente persona ku a traha na RK.





Un preñchi

Un grupo a bishitá NCEA na Chicago i a bin ku hopi inspirashon pa nos enseñansa. Ta un konferensha riba enseñansa i edukashon den un bachi katóliko. Riba e potretnan por haña un bisa di e delegashon ku a bishitá e konferensha.





Den agènda

Liber di skol

30 i 31 di mei

2 yuli

8 di yuli pa 15 di augustus.

Mucha djispou

Jaime: “Papa ki dia mi a nase?”

Papa: “26 di mei”

Jaime: “Ata ta mes dia ku mi ta hasi aña.”